

Октябрин өөнд белдвр

Алдр Октябрин 41 джилин өөнд белдвр келгнэ кэдлмш Приозерн районд му бишэр бүрдэгдджэнэ. Района центр—Сухота деер хойр джилин дунд 100 гар эзнэ болн коммунальн гермүд бэргдв. Өдгэ цагт „Ингльгнни парк“ кегджэнэ, кинотеатр болн раймаг бэрлгнэ кэдлмш эклв.

„Сухотинский“ совхозин 1-ч фермд 46 шин гер бэргдв. Эклц школин гер бэргдэд, көвүд-куүкд цаглари сургъуля эклв. Бэрсн гермүдн цуггар дотлар цээлгэгдв. Өдгэ цагт селэнэ уульнцсан керуүлдж олн-зүсн мод тэрлгэнд белдвр кеджэцхэнэ. Бэргдсн шин гермүд болгэнд олн-зүсн зер-земшин хөрэд мод тэрх болдж гарцхав. Эн кэдлмш куүцэлгэнд фермин залач үр С. Богаев үнн седклэн өгч, кэдлджэнэ

Селэдэн цеврлгнэ кэдлмшт „Ергенинский“ совхозин амтн хара биш кэдлмш кецхав. Совхозин центр болн фермсэр бээх амтс гермүдэн цээлгээд, хаша-хаацан арчдж, белдврин кэдлмш делгэрүлджэнэ

„Сарпа“ совхозин центр хойр джилин эргцд амтн бэ-

ах гермүд бэргдв. Энүнд айта гидг клуб, гостиниц, долан джилэ школ бээнэ. Шидрхн почтин болн радиоузли гермүд бэргддж дуусгдв. Өдгэ цагт школ—интернат бэргджэнэ. Ирх джилд энүнд 8-ч класс гаргэхин кергт эртэсн интернат болн энүнэ өлг-эдинь белдлгнэ кэдлмш кегджэнэ. Зуг нег бурунь, мод тэрлгнэ кэдлмш ик татуггар кегджэнэ.

Болв зэрм совхозар төрсн газрган ирсн улс гермүд бэрдж, шишлн буурлх газран ода куртл меддж авч тохняд уга. Улгүрлхд, „Сухотинский“ совхозин 2-ч фермд кесг хальмг өрк-булмүд ирэд, бийсдэн гер бэрхэр, белн гермүд авч ирцхэсн бээнэ. Амтн бээх болн мал асрдж өскхл дегд таста газр, зуг усн хэтэр боллад, амтн гермүд бэрлгэн хооран саагсад, эндр өдр куртл нег чигн гер бэргдэд уга.

2-ч фермиг усар теткдж, хэрү төрскндэн ирсн өрк-булмүдиг бийсдн гермүд бэрдж, бээршлхд совхозин гардачрин онг кергтэ.